

## 1.12 YAKHAUJ TUS POJNIAM

### Chivkeeb 29

Yakhauj yog Ixaj thiab Lenpekass tus tub. Nws txais tau tej koob hmoov uas leejtxiv foom tseg. Nws tijlaug Exaus npau taws heev rau nws tias qhov tseeb tiag leejtxiv yuav tsum foom koob hmoov rau nws. Vim Exaus npau taws heev rau Yakhauj, nkawd niam uas yog Lenpekass thiaj kom Yakhauj khiav mus nrog dablaug Lanpas lawv nyob.

Yakhauj thiaj taug kev mus tau ntau hnuv. Thaum kawg nws mus txog tid dablaug lawv lawm tiag. Nws mus dhau hauv ib lub tiaj nrag thiab pom muaj ib lub qhov dej, muaj ib pab tsiaj tabtom los haus dej. Yakhauj thiaj pib nrog cov neeg yug tsiaj ntawd tham. Yawg nug lawv tias nej puas paub ib yawg npe hu ua Lanpas.

Cov neeg ntawd teb hais tias, “Paub los mav, peb paub Lanpas! Aub, nej saib...nws tus ntxhais tabtom los txog ntawd, nws npe hu ua Laxeess, nws tabtom raws pab yaj los haus dej.” Laxeess yug nws txiv pab yaj.

Yakhauj thiaj mus ti nkaus thiab pab tus hluas nkauj ntawd ntaus dej rau yaj haus. Nws thiaj nrog Laxeess sib tham thiab tsa suab quaj. Nws zoo siab heev rau qhov nrhiav tau nws niam cov neej tsa. Nws thiaj qhia rau Laxeess paub tias nws yog Laxeess tus phauj Lenpekass li tub ntag.

Thaum Lanpas pom Yakhauj uas yog Lenpekass li tub ntawd nws zoo siab heev. Nws hais tias, “Peb yog tib tse neeg xwb”.

Lanpas muaj ob tus ntxhais uas yog Le-as thiab Laxeess. Laxeess zoo nkauj heev Yakhauj xav yuav ua pojniam. Nws thiaj hais rau Lanpas hais tias cia kuv ua koj zog 7 xyoo. Lanpas pom zoo.

Xya xyoo dhau mus, Yakhauj hais rau Lanpas tias koj yuav tsum nco koj cov lus tau cog tseg tias muab koj tus ntxhais Laxeess rau kuv yuav. Ces Lanpas txawm npaj ua lub rooj tshoob. Lanpas caw tej phoojywg tuaj noj tshoob tibsi. Thaum ntawd tus nkauj nyab muab ntaub npog ntsejmuag lawm, Yakhauj tsis pom lub ntsej muag li, tagkig tom qab. Ua rau Yakhauj xav tsis thoob! Yakhauj hais rau Lanpas tias, ua cas koj tsis muab Laxes rau kuv, koj ho muab Le-as!

Yakhauj nug Lanpas hais tias “Ua cas koj yuav ua li ko?”, kuv ua haujlwm rau koj xya lub xyoo yog ua los yuav Laxeess los sav. Yog ua cas koj ua dablaug yuav dag kuv yuav Le-as?”

Lanpas teb: “Le-as yog kuv tus ntxhais hlob. Peb txoj kevcai yeej tsis pub tus niam hluas yuav txiv ua ntej tus niam laus (tais laug). Tiamsis, cia koj yuav Le-as ib thiv tom qab kuv mam li muab Laxeess rau koj. Tiamsis koj yuav tsum ua haujlwm rau kuv xya lub xyoo ntxiv.”

Yakhauj pom zoo ua li ntawd. Tau ib thiv tom qab nws thiaj tau laxeess los yuav ua pojniam. Yakhauj hlub Laxeess heev dua li hlub Le-as.

Yakhauj thiaj ua siab ntev ua haujlwm rau Lanpa xya lub xyoo ntxiv.

## 1.12 YAKHAUJ TUS POJNIAM – RAU TUS QHIA

### Chivkeeb 29

#### Tej tseem ntsiab lus:

- 1) Exaus, uas yog Yakhauj tijlaug npau ntaws heev rau nws. Yakhauj txais tau koob hmoov ntawm leejtxiv, yog qhov koob hmoov uas tsimnyog Exaus tau. Vim Exaus npau taws heev Lenpekhas uas yog Yakhauj niam thiaj rau tswv yim kom Yakhauj khiav mus nrog dablaug Lanpas lawv nyob.
- 2) Thaum Yakhauj mus txog tid dablaug lawv ces nws tham tau Laxees. Laxees yog Lanpas tus ntxhais, Laxees zoo nkauj heev Yakhauj thiaj xav yuav ua pojniam.
- 3) Yakhauj thov yuav Laxees, Lanpas uas yog leejtxiv pom zoo. Tiamsis Yakhauj yuav tsum ua haujlwm rau Lanpas xya lub xyoo thiaj Yakhauj pom zoo ua li ntawd.
- 4) Tom qab xya lub xyoo ces pib ua lub rooj tshoob tiamsis Lanpas dag tau Yakhauj yuav tus niam laus uas npe hu ua Le-as, tsis yog Laxees lawm.
- 5) Yakhauj thiaj npau taws heev rau Lanpas. Tau ib thiv tom qab Lanpas mam muab Laxees rau Yakhauj yuav, tiamsis Yakhauj yuav tsum rov qab ua haujlwm rau Lanpas xya lub xyoo ntxiv. Ntawd yog zajxwm tau tshwm muaj los. Tom qab no Yakhauj hlob hlob Laxees dua li hlob Le-as.

#### LUS NUG:

- 1) Yog ua cas Yakhauj niam rau tswv yim kom Yakhauj khiav mus nrog dablaug lawv nyob?
- 2) Thaum mus txog tid Yakhauj tham tau leejtwg?
- 3) Laxees txiv yog leejtwg?
- 4) Xav tau Laxees yuav, Yakhauj yuav tsum ua haujlwm rau Lanpas petsawg xyoo?
- 5) Lanpas dag Yakhauj li cas?
- 6) Tom qab uas yuav tau Laxees Yakhauj tseem ua dabtsi ntxiv?

#### LUS TEB:

- 1) Yakhauj niam rau tswv yim kom Yakhauj khiav mus nrog dablaug lawv nyob rau qhov Exaus npau taws heev.
- 2) Thaum mus txog tid nws tham tau Laxees.
- 3) Laxees txiv yog Lanpas.uas yog Lenpekhas tus nus.
- 4) Yuav tau Laxees ua pojniam Yakhauj yuav tsum ua haujlwm rau Lanpas xya lub xyoo.
- 5) Lanpas dag Yakhauj yuav nws tus ntxhais hlob Le-as tsis yog laxees.
- 6) Yakhauj yuav tsum ua haujlwm rau Lanpas xya lub xyoo ntxiv tom qab uas yuav tau Laxees.

Lanpas tus uas yog Lenpekhas txiv ua txhaum thaum nws dag Yakhauj. Yakhauj ua txhaum thaum nws dag nws txiv Isxaj. vajtsv muaj lub homphiaj nws thiaj tso tswv Yexus nqis los hauv ntiajteb no los npaj txoj kev zamtxim rau neeg.